

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- सैनिकें दे मसलें गी हल करने आले उपराज्यपाल होरें सैनिक सहायता केन्द्र कायम करने गी मंजूरी दित्ती। उपराज्यपाल होरें इसी सैनिकें दी मदद लेई महत्वपूर्ण जतन करार दित्ता।
- मुख्यमंत्री उमर अब्दुल्ला होरें मुबारक मंडी दे रख-रखाव आले कम्में दा जायजा लैता ते एह्दी विरासती शान गी ब्हाल करने पर जोर पाया।
- जनजातीय मामलें दे मंत्री जावेद अहमद राणा होरें जम्मू कश्मीर दा पर्यावरण अनुकूल सैलसफा गी बढ़ावा देने लेई नमें ट्रैकिंग आले रस्ते तलाशने लेई आखेआ।
- श्री अमरनाथ जी दी यात्रा इक दिन स्थगित रौहने मगरा परतियै शुरू। जम्मू थमां 7 ज्हार शा बद्ध श्रद्धालुएं दा जत्था पवित्र गुफा लेई रवाना।
- अमरीका नै टीआरएफ गी पहलगाम आतंकी हमले लेई जिम्मेदार टैहरांदे होई उसी आतंकवादी संगठन घोशत कीता ऐ। इस गैह् गी आतंकवादखलाफ संघर्ष प्रति ट्रंप प्रशासन दी वचनबद्धता मूजब दस्सेआ।

<><><><><><>

LG-SSK

उपराज्यपाल मनोज सिन्हा होरें सैनिक सहायता केन्द्र खडेरने लेई मंजूरी देई दित्ती ऐ। एह् केन्द्र सशस्त्र बलें ते सीआरपीएफ दे सैनिकें दी समस्याएं गी हल करने लेई कायम कीता जा'रदा ऐ। एह्दा मकसद केन्द्र शासत प्रदेश च कम्म करा'रदे सशस्त्र बल जां पही जेह्ड़े जम्मू कश्मीर थमां हैन उंदी मदद लेई ऐ। एह्दे राएं सिंगल विंडो सरिस्ते कन्नै बने बक्ख-बक्ख मामलें दा हल कीता जाई सकोग। एह् केन्द्र जम्मू ते श्रीनगर दे सिविल सचिवालय थमां फौरी प्रभाव कन्नै कम्म करोग।

<><><><><><>

LG-PM Meet

उपराज्यपाल मनोज सिन्हा होरें प्रधानमंत्री नरेन्द्र मोदी हुंदे कन्नै नमीं दिल्ली च मलाटी कीती। सोशल मीडिया दी इक पोस्ट च प्रधानमंत्री हुंदे दफतरै आस्सेआ इस बारे जानकारी सांझी कीती गई।

<><><><><><>

CM-MM

मुख्यमंत्री उमर अब्दुल्ला कल जम्मू दे इतिहासक मुबारक मंडी परिसर च जारी ब्हाली दे कम्में दी समीक्षा कीती ते डोगरा रॉयल पैलस दी शोभा गी बनाई रखने दे मकसद कन्नै बक्ख-बक्ख परियोजनाएं बारे जानकारी हासल कीती। इस परियोजना च इक कला, बजार इक लाइब्रेरी कम कैफे ते स्पैन पुल ते लिफ्ट शामिल ऐ। समें सिर कन्नै मुकम्मल करने उप्पर जोर दिंदे होई मुख्यमंत्री होरें सेंटर कोर्ट यार्ड गी आकर्षण दे तौरा पर विकसित करने ते डोगरा कला बी बढ़ावा देने दा आह्वान कीता ऐ। इस दरान मुख्यमंत्री हुंदे सलाहकार नासिर अहमद वानी ते विधायक युद्धवीर सेठीबी मुख्यमंत्री हुंदे कन्नै हे। इस मौके पर बोलदे होई विधायक युद्धवीर सेठी होरें आखेआ.....

<><><><><><>

CM-Rabita

लेकें तगर पुज्ज बनाने आले मुख्यमंत्री उमर अब्दुल्ला हुंदे कार्यक्रम राबिता राएं केई सारे प्रतिनिधिमंडलें ते लोकें कन्नै मलाटी कीती ते शिक्षा, उद्योग ते ढांचागत विकास, खेड्ड ते सैलसफा मुत्तलक मामलें ते मंगा चंदे अगगे रखियां। बैठक दरान मुख्यमंत्री होरें गी पनबिजली परियोजना, ऑटो मोबाइल ते इंडस्ट्रीयल सेक्टर गी दरपेश मुश्कलें ते दिव्यांग एथलीटें ते एनएसएस स्वयं सेवकें दी उपलब्धिएं बारे दस्सेआ गेआ। इस दरान सहासिक, सैलसफा ते प्राइवेट एजुकेशन बारे बी चर्चा होई। मुख्यमंत्री होरें सब्बने दे योगदान दी सराहना कीती ते पुट्टे गेदे मामलें ते मसलें दा समें सिर हल करोआने दा भरोसा दोआया।

<><><><><><>

Rana Traking Routes

जनजातीय मामलें दे मंत्री जावेद अहमद राणा होरें जम्मू कश्मीर च पर्यावरण अनुकूल सैलसफा गी बढ़ावा देने आस्तै नमें ट्रैकिंग ट्रायल शुरू करने दा आह्वान कीता ऐ। सिविल सचिवालय च इक बैठक दी अध्यक्षता करदे होई उनें ट्रैकिंग च बन सबन्नता आले ते कौशल विकास गी जनजातीय समुदायें दे नोजवानें गी सशक्त बनाने लेई जंगलात ते जनजातीय मामलें दे मैहकमें बश्कार सैह्योग गी बढ़ावा देने पर जोर दित्ता।

इस पैहलकदमी दा मकसद नोजवानें गी इको ट्यूरिसम दे तौरा पर प्रशिक्षित करना ऐ, जेहदे कन्नै चपासम दे संतुलन गी बचाने दे कन्नै कन्नै उनेंगी रोजी रूट्टी दे मौके उपलब्ध करोआना ऐ। राणा होरें आखेआ ऐ जे इस कदम कन्नै केन्द्र शासत प्रदेश च जनजातीय समुदायें दी सांस्कृतिक विरासत ते कौशल विकास गी बढ़ावा थहोग।

<><><><><><>

Swachh Survekshan

घरें, मकानें ते शेहरी मामलें सरबंधी मंत्रालय आस्सेआ स्वच्छ सर्वेक्षणकरोआया गेआ। इस सर्वेक्षण च जम्मू गी नमें उभरा'रदे स्वच्छ शैहर दी श्रेणी च 13 थाहर हासल होई। एहदे पर जम्मू शैहर दे बसनीकें खुशी जाहर कीती जे राष्ट्रीय स्तर पर स्वच्छता प्रति साढ़ी पंछान होआ'रदी ऐ। इस गल्ला दी जम्मू दे लोकें च खासी खुशी ते उत्साह ऐ। उनें आखेआ जे जम्मू म्यूनिसिपल कारपोरेशन इस भेठा बेहतर कम्म करा'रदी ऐ तां जे जम्मू शैहर गी साफ ते स्वच्छ बनाया जाई सकै। उनें आखेआ.....

<><><><><><>

Amarnath Yatra

श्री अमरनाथ जी दी यात्रा कल दिन भरै लेई स्थगित रौहने मगरा अज्ज परतियै शुरू होइ गई।, अज्ज 7 जहार 906 श्रद्धालुऐ दा इक होर जत्था अज्ज बडलै 261 गड्डिडएं दे काफले च जम्मू दे भगवती नगर आले आधार शिविर थमां कश्मीर घाटी लेई रवाना होआ। इस जत्थे च 5 जहार 957 मर्द, 1 जहार 613 महिला, 26 बच्चे, 290 साधु ते 22 साध्विया शामिल हियां। इंदे चा 2 जहार 879 श्रद्धालु बालटाल आधार शिविर ते 5 जहार 29 पहलगाम आधार शिविर लेई रवाना होए। जित्थें ओह पवित्र गुफा दे दर्शन लेई अपनी अगड़ी यात्रा लेई रवाना होंगन। भारी बरखें कारण वीरवारें यात्रा गी झरजी तौरा पर रोक दीत्ता गेआ हा। यात्रा परतियै शुरू होने पर अज्ज श्रद्धालुएं च बड़ा मता एत्साह दिखेआ गेआ.....

<><><><><><>

Amarnath Udh Acc

तोआई अज्ज बडलै उधमपुर दे बट्टल बल्लियां कश इक शिड़क हादसा पेश आयाजेहदे च इक ट्रक ते कार टक्कर होने करी 5 श्रद्धालु ममूली तौर पर जख्मी होए न। साढ़े जिला संवाददाता कन्नै गल्ल करदे होई सीआरपीएफ दी 134 बटालियन उधमपुर दे डिप्टी कमांडेंट करतार सिंह होरें दस्सेआ.....

<><><><><><>

US-Pahalgam

अमरीकी विदेश विभाग नै 22 अप्रैल गी जम्मू कश्मीर दे पहलगाम च होए दे आतंकी हमले आस्तै जिम्मेदार टीआरपी गी इक विदेशी आतंकवादी संगठन ते खास करियै इक नामित वैश्विक आतंकवादी घोषत कीता ऐ। इस हमले च 26 लोक मारे गे हे। अमरीकी विदेश मंत्री मार्को रुबियो होरें आखेआ ऐ जे एह गैह राष्ट्रपति डोनाल्ड ट्रंप हुंदा पहलगाम हमले आस्तै न्याय दी अपील दा समर्थन करदी ऐ ते आतंकवाद खलाफ प्रशासनदे सख्त रवैइयै गी दर्शादी ऐ। लश्करे तैयबा दे टीआरएफ दे 22 अप्रैल गी पहलगाम च होए दे हमले दी जिम्मेदारी लैती ऐ।

<><><><><><>

Ind. Day

जम्मू दे डिविजनल कमीशनर रमेश कुमार ते आईजीपी भीम सेन टूटी होरें इक उच्च सतह दी बैठक लाइयै औंदे स्वतंत्रता दिवस दे मौके पर जम्मू खित्ते च होआ'रदी तैआरिएं दा जायजा लैता। मुख्य कार्यक्रम एम.ए. स्टेडियम जम्मू च होग। एहदे च सुरक्षाबल, एनसीसी ते स्कूली बच्चें दे दस्ते हिस्सा लेंगन। बैठक च सुरक्षा, ट्रैफिक बवस्था, साफ सफाई, सेहत दिक्खभाल ते सांस्कृतिक कार्यक्रमें पर चर्चा होई। मैहकमे गी हिदायत दित्ती गेई जे ओह पसेडल अफसरें गी नामजद करन ते आपूं चै दे तालमेल लेई नियंत्रण कक्ष कायम करन। प्रशासन दा मकसद इस कार्यक्रम गी सुचारू ते सब्बने दी शमूलियत कन्नै सफलतापूर्वक सम्पन्न करोआना ऐ।

<><><><><><>

Aadhar

समुदायिक गौरव ते पुलस पब्लिक सौहार्द गी बढावा देने दे मकसद कन्नै जम्मू पुलस नै अखनूर जोड़ियां रोड पर पुन्नू चौक दे कश इक सैल्फी पोआइंट थमां पड़दा गुहाड़ेआ। इस पैहल दी शुरुआत अखनूर थाने गी गृह मंत्रालय आस्सेआ हाल च गै थ्होए दे उमृष्टिता प्रमाण पत्र दे मगरा कीती गई ऐ। एहदा उद्घाटन एसपी ग्रामीण ब्रिजेश शर्मा होरें कीता। इस कार्यक्रम च विधायक मोहन लाल भगत ते मकामी लोकें हिस्सा लैता।

<><><><><><>